

沁州復續志



沁州復續志卷之四



郡守固始吳承恩子復甫續修

災異 附志賑務

天時不能有豐而無歉人事不能有常而無變我州自乾隆辛卯修志後迄今百有餘歲其間冰雹水旱風霜以及地震等變雖亦不免然未成大災方策不載其詳不可考已惟父老傳述遠或耳聞近則目睹其有年月可稽事蹟足異者要亦採訪者所急於存記也至光緒三四年間荒旱異常係歷來未經之變

沁州復續志

卷四

災異

一

且疊次蒙賑亦歷來未遇之恩尤當據實詳叙復志
災異

州

乾隆五十八年春夏大旱

自春至六月二十八日始得雨民種藤黍稷蕎麥菜

根至秋大熟兆姓賴以全活

嘉慶二年饑十四年秋旱歲歉收十

五年春旱

斗米錢七百有零及五六月得雨民始耕種粟價微減

十八年秋彗

星見

時教匪作亂據河南滑縣兵勇往來沁郡適當孔道頗形擾累是秋禾熟未刈忽大風顆粒俱

落貧民攜箕帚掃拾有多至十數百者

道光十年地大震

閏四月二十二日天將夕

地忽震動人皆眩暈顛仆屋宇傾側居民惶駭至初更始定

十三年秋彗星見

餘

始滅方向

十五年自春徂夏旱

時趙城縣教匪曹順等作亂與州城隣近

日夜戒嚴六月十七日雨民始耕種八月十四日
雨十五日大風十六日嚴霜害稼民饑至十六年夏
麥大熟六七月間斗米錢
癘七百有零餘粟稱是
咸豐三年兵勇過境城鄉

被擾 粵匪肆逆延及晉省八月十三日由州南長子
縣鮑店鎮數萬髮賊經過州境震動居民聞風

拱妻子竄入山中牲畜貲財多棄置不顧閉戶而去
城內一空過往兵勇雲集無人支應輒踰垣搜索擄

取無遺雖僻巷民居無能
免者經十餘日民始安堵
六年夏大雨雹 五月十一日

十五里仁勝村以北雨雹有大過於牛象者有如猪
羊者其餘如盆如碗不計其數自午至申始止十八

日 州牧慶公講亮親往勘驗冰積未消者猶四五
寸夏麥秋禾根株盡毀民皆補種蕎麥糜黍幸獲成

熟 七年秋七月星隕如雨 二十日夜由東北向西星
大小不一紛紛墜落其速

如箭其多如
雨經兩時許
八年春彗星見於坤方 色白形如劍光
芒數丈每當宵

沁州復續志

卷四

災異

分則先星宿而
見數月始滅
同治元年正月初七日天雨塵土終

日 約二秋八月天燈見 夜靜時紅光燭
分許
六年春夏大

旱 未播種六月初三日始雨
民種穀豆莢麥至秋頗熟
十二年九月大雪 深數尺未

刈秋禾俱被壓損
光緒三年春旱 是夏二麥尚有半
所壞樹木無數 收不至成災而地

古連年收成歉薄民間已形拮据
於二年冬捐廉置辦棉衣以濟貧乏是春復捐小米
州牧吳壽承恩

九十餘石以濟鰥
寡孤獨諸廢疾者
秋大旱十一月十二日雨汁冬大

旱 是年災區甚廣被旱八十餘州縣
太子少保一
等威毅伯曾講國荃巡撫山西特請截留餉銀籌

撥關稅設局開捐並由各省接濟銀兩轉運米至多
方設捐廣籌鉅款以裕賑源仍刊發告示勸富室修

理房屋以利貧民口食出地方公項積貲接濟賑款
勸捐輸以敦任恤廣為稱貸之法以通有無緩印契

以便置買省禮節以早完嫁娶不減米穀之價以廣招徠不糴附近之糧以平斗價多設賑廠以卹老疾慎擇辦賑之人主管放賑設醫藥以救疾病納贖穀以資賑務弛禁令以濟民艱重強糴之刑以遏亂萌嚴巡緝之法以安良善禁擾累以安閭閻制衙蠹以去民害懲奸暴以衛良民查流痞以靖地方印委各員下鄉查災切禁騷擾杜捏報貧戶之流弊議辦賑紳耆之賞罰定救荒官吏之功過計二十三款條列詳明俾被災州縣有所遵循准儘常平倉穀盡數發放不敷許稟請接濟且飭設局勸捐以備籽種經費特請停徵兩忙以蘇民困踰格施恩不拘成例故晉省此次之旱為歷來未有之災而晉省此次之賑亦歷來未有之恩也 欽差工部右侍郎閻諱敬銘巡行各州縣勘驗被災之重輕指授辦賑之方略嚴查官吏以絕弊端申勸富戶以裕捐輸復由山東借款三十萬兩以濟賑需以故州縣無不畏威懷德功歸實際 沁郡自三月二十五日至六月十二三日連得透雨民間秋禾業已種齊是時田禾被野七月初

沁州復續志

卷四

災異

三

二日得雨二寸禾皆吐穗天忽亢旱連月不雨禾悉枯槁不能成實幸宿糧未盡 州牧吳恐民食不敷特飭米勿出境米價每斗錢五百餘文隣境驟以閉糴上稟州牧不敢復持前議商販雲集斗米驟長至九百餘文民遂重困沁郡百有餘年未遭水旱大災里民猶豫未敢遽報 州牧吳見災象已成具稟申聞奉批以並未稟請委勘遽請儘倉穀賑濟與定例未符仰即確查被災究有幾分據實稟請委勘會稟覆到再行核奪九月二十一日據閻州二十里里長奉 聖 札等二十人並紳士援貢生安擴等十三人稟稱為確陳災異祈 恩設法以全民命事緣沁郡土瘠民貧五穀以外別無出息一經荒歉較他處困弊尤甚本年歲災迥異尋常除過麥秋一分不足而沁地產麥又自來無多縱好收成亦不濟事今夏不過半收豈足蘇積年之困又因春夏之交各樣苗稼齊全州境積粟上戶皆以為為寶實可望適遇斗價昂貴盡數出糴客商販去隣境以致儲粟之家亦十室九空詎料七八月間大旱苗槁變出非常菱穀不穗聞

穗不實蕎麥出土即萎豆禾有角無顆及各種瓜菜百無一成如此奇荒生世未見且連歲空虛本年春季已食樹皮等物殞命者已經不少目下尚在收穫之際確見東南西河長盛一帶等約大半以莖杆爲糧西南泊村樊村一帶等約又多以麻糝乾草充饑西北康家庄諸處竟食白膠泥乾則泥等物至城裡關外貧戶搗食油糠中戶亦食醋糟到處草根木葉掘摘殆盡觸目傷心淚隨聲下眼看不至年終恐填溝壑者必無數矣更可傷者農家全賴牛力以養人奈苦無料豆草具竟以十一之價賤賣推手以致無良之徒藉屠取利逐日宰殺不可勝數現今天怒未回如此任性殺生豈不更干天怒且牛馱殺絕來歲耕種何憑況我沁庄農十居八九即士民工賈無不家賴耕田農業一廢豈有生路刻下種麥已悞明年夏收全無指望有業自力者既難保其身家兒號女泣慘不忍聞凡一切佃戶雇工並無人用出主之門人鬼之域上農夫亦將倒斃何論惰夫何論婦女更何計鰥寡孤獨迨至明春又無牛力又無人工又無

沁州復續志

卷四

災異

四

籽種無論天不養人縱使甘霖或降而人事更從何盡是不僅一年之凶此勢有必至理有固然也至於街市集場米珠薪桂十倍之價日甚一日富戶若有餘錢尚可早行備買貧衆豈能堪此騰貴甚且糧竭市空四隣州縣十處九荒焉能長久接濟南米不來北販不到本地更無糶者數月之後誠恐有錢亦無處能糶時勢可畏莫大於此加以瘟疫流行貪狼爲災寇賊作害固宜招募壯丁徧處巡警以除惡獸強盜更宜嚴禁宰殺耕牛以培好生之德雖至與人同餓亦止付之無可如何自古皆有死民無信不立是古聖之常經也目今將屆嚴冬衣食較前更急可否詳請賑救或籌多方助濟之法在治窮民無不翹首以待職等早欲指災懇稟但未到盡頭猶大家妄想生路沁民大半安守本分不至萬中無奈未敢草率冒瀆刻下秋稼全空明年夏麥無望萬民離散實恐不免夫人情急則呼天困極則呼父母我憲天愛民如子慈祥愷側四郊稱頌前曾捐廉施衣施米民沾實惠伏懇再發仁心仁政以挽天心以回天怒並

延訪足智多謀之士老成練達之人與之法中想法
計外設計庶幾補救民命於萬一則閭州戴再生之
德於無既矣等語 州牧吳當即據稟申聞蒙 上
憲特委武鄉縣知縣 吳公諱匡會同勘驗被災之
情形稟請停徵並懇勅放倉穀奉批飭查極次貧民
戶口趕造冊籍及時賑濟各約聞知放穀紛紛呈報
不下九萬餘口其中多不實不盡且是秋二麥不能
播種賑務為日甚長倉穀不敷支放而倉猝難於稽
核 州牧吳特令真正貧民皆用白土大書極次貧
民口數於戶以杜冒濫力能自給者始免攬入實存
饑民二萬餘口復恐不無遺漏之弊出示曉諭倘有
真正饑民漏未入冊籍者准自行喊稟並將公正鄉
約責處以重民命庶幾不遺不濫經營甫就已屆仲
冬遂定於臘月初一日放賑學正董贊襄干總曹九
卿奉憲諭幫同辦理核實發放按大口日給穀四合
小口減半每月約用穀二千一百餘石設捐輸局於
萬壽寺學正董贊襄逐日在局督飭經理副貢署甯
武府教授駢沁總局務直隸保定府左營候補守備

沁州復續志

卷四 災異

五

武進士郜德魁歲貢生衛子良等稽查饑民冊籍監
放賑穀武生李鳳鳴監生王士垣武生王遷岐等購
買籽種領運漕糧監生魏長隆武生王恒等登記帳
目專司出納務期涓滴歸公民沾實惠 是時餓殍
載道 州牧吳飭紳董於城北高原掘坑深廣數丈
僱夫掩埋仍飭各約仿照辦理遺骸始免暴露 四
鄉無賴匪徒糾黨成群乘夜搶奪漸成事端 州牧
吳嚴懲首惡責釋脅從仍諭四鄉申明守助約隨時
捕拿網送倘敢拒捕准格殺勿論各約賴以安堵
是年下忙奉 旨免徵 州牧吳復捐廉置棉衣
褲二百七十餘件以給 四年春仍大旱 是春二麥俱
老弱孤貧諸廢疾者 無州郡並屬
奉 旨停徵州境斗米漸長至一千五百餘文民
間膏穀油糠俱盡挖草根剝樹皮以食饑民日增
州牧吳復具稟升聞加至三萬餘口每月用穀三千
一百餘石仍親赴四鄉挨村查勘俾免侵蝕 商民
捐貲九千餘千收市及半 州主吳飭局紳赴南長
子縣鮑店鎮北太谷縣省北等處用錢五千餘千購

春麥大麥黃豆黑豆五百餘石查係有地無力者按畝給發俾資耕種是春歷四月之久不雨春麥大麥均不能種五月初八日始得透雨民皆趕種秋禾人心稍定然收成須在八月米價昂貴民食維艱貧戶僅恃倉穀以生賑不可止而倉穀不敷支放蒙上憲特發東陽閔所儲蘇東各漕米一千七百餘石飭州紳領運按每筋給腳價錢一十三支而沁郡向無驟行外來馱驟索價昂貴腳價不敷州牧吳特命各約民按領谷之多寡隨同州紳自往領運俾貧民得沾腳價農務不至耽擱紳民均以爲便於六月間全數運回按二穀一米與倉穀搭配散放賑務資以無缺秋有好妨自五月初後又六十餘日不雨禾中生蟲如小蠶食穀葉殆盡間有傷及禾杆者同城官紳禱於野蚘山並議壘劉猛將軍像當日大雨蟲災遂息民間傳言雨水甚苦虫被殺爲得神佑云上憲念切民瘼以初秋被旱札查能否開徵州牧吳以天時亢旱秋禾難期豐稔况大禘之後民氣未復懇請緩徵七月十七日得

沁州復續志

卷四

災異

六

雨深透 沁武兩縣均請開徵 上憲復批州查覆

州牧吳以現雖得雨穀可望收而黍已壞沁郡並屬種黍者多秋收已十損三四况連年亢旱民力且恤甫有薄收未堪驟事追呼仍請緩徵是年下忙蒙上憲特恩奏請沁郡並屬均奉 旨緩徵定例被

災之區按災之分數分成蠲緩除應蠲外所緩之糧分年帶徵沁郡並屬停徵已及三次帶徵之糧爲數甚鉅 州牧吳以大禘之後子遺之民甫有收成本年正賦已形拮据若再加以帶徵民何以堪特具稟懇請蒙上憲特請奉 旨概予豁免此誠 國家

破格之殊恩而闔屬 九月大雨雪 初五日大雨晝夜

被惠於無窮者也 爲雪積厚尺餘至十五六日始霽時木葉未脫老樹皆摧折秋禾方熟收未及半爲雪所壓穀皆變黑有生芽者時業已停徵惟具稟升開再候恩施蒙 上憲發什貼東陽關所儲蘇漕米六千六百零四石二斗一升六合七勺以備來春不接之際接濟民食運米既多道路已開州紳領運一二次餘皆由什貼轉運

局徑送來州八月內蒙 上憲發銀四千兩飭查無力農民散給麥種 州牧吳傳集紳士里役人等眼同委員當面秤完計合沁秤三千九百十七兩州捐局存錢一千三百餘千以市價易銀一千二十兩有奇時麥價每市斗九百文按倉斗每畝給麥種二升合市斗一升七合有奇按市價合錢折銀所有實在無力農民應種麥地每畝給銀一錢三分三厘俾購冬麥以資布種共放四百頃九十七畝十月內州捐局復陸續收錢一千五百餘串以市價易銀一千三百餘兩仍按每畝一錢三分三厘補放一百零七頃俾購春麥以資補種共放麥種五百八十八頃 五年春旱五十二畝共用銀六千三百四十三兩

未成災

是春二麥俱已種齊冬雪深透雖春雨愆期土脈未甚乾燥麥苗不至大傷州境有地農

民秋禾爲雪所傷收成歉薄僅能自給無業貧民一萬三千三百餘口尙嗷嗷待哺遂於正月初六日開倉大口日給米二合小口減半每月用米七百餘石賑至五月止 先是 州牧吳以沁郡種麥僅十分

沁州復續志

卷四

災異

七

之二上年秋收既薄民無蓄積特請上忙減成徵收未奉批示及是連月不雨 上憲以天時亢旱札查

能否開徵 州牧吳以沁郡種麥無多又值亢旱麥收難期豐稔仍請減五分徵收而沁武兩縣均請照常開徵奉批妥議稟覆 州牧吳覆稟以糧出於地

州境麥地止有二成麥收僅有五分武鄉縣收僅四分沁源荒旱特甚連年災歉民力宜恤仍請減半蒙上憲特恩奏請奉 旨沁郡四鄉上忙減五分沁

武如故 上憲慮貧民籽種不敷復發小米二百石俾易穀以時播種時各里呈報農民中貧乏小戶在十畝以下資力不及者四百餘頃每畝需穀按一米二穀每畝給米半升俾易穀種以資耕作自被災以來民間牛馬因無力蓄養往往倒斃宰殺及年歲甫轉農工方與牲蓄缺乏 上憲特發牛馬三百頭俾州

屬分領減價出售以濟民用即以所得之價置買農具分散貧民並發告示多張札學正董張貼各約俾眾周知以免偏枯州郡領馬六十六匹定價每匹八兩牛十三隻十兩八兩不等各約遵照來州領買計

牛馬收價一千五十餘串 州牧吳以置辦農具誠
貧農所急需分散易滋流弊州境貧農每於農隙將
農具質當至農忙回贖頗形拮据因出示令貧農持
票赴當舖領取農器勿庸給價飭當舖彙齊當帖算
清本利來州局領價惠實及貧民而無靡費 秋七月
大雨雹 初五日段庄泊立等村雨雹初九日交口漳
源等村復雨雹禾稼皆傷時節候已踰秋禾
不能補種各村里正以災報 州牧吳據情稟聞奉
批飭襄垣縣知縣李汝霖到州會同勘明成災分數
稟請照例停徵按章分別蠲緩並懇發米三百五十
八石三斗八升撫恤災民成災十分丈河等四村每
口給米一斗八升成災八分段庄等八村每口給米
九升成災六分漳源鎮等七村每口給米六升時四
鄉多狼村民往往被噬 州牧吳出示捕打每狼一
隻給賞錢四十文計捕獲三十餘隻 上憲以連年荒
旱人民死亡特恐田地不無拋荒飭查明造册據實
稟報俾免糧累沁郡各約呈報荒地三十九頃九十

沁州復續志 卷四 災異

八

餘畝由州造册詳覆有主新荒奉 旨免徵三年
無主新荒奉 旨免徵四年水冲河壓老荒奉

旨永遠免徵時連年領運漕米倉中存布袋二千八百
餘條 州主吳稟請捐廉製造棉衣以濟貧民計造
棉袄褲各三百三十件以棉袄二百件棉褲二百條
給發被災各村餘袄褲各一百三十件散放城關老
弱孤貧諸廢疾者常平倉穀以連年辦賑發放無存
上憲念水旱不時民無可恃買穀還倉不可不及時
籌辦而大稔之後民力未逮勢難令民捐補特發銀
一萬五千兩俾按市價購買穀石以實倉儲用備不
虞所以爲民計者既深且遠而所以恤民力者無微
不至矣時穀價每市石一千一百內外而入倉之穀
必用風車搗盡始能久存不壞新穀一經風量折耗
甚重 州牧吳稟請每石按一千二百文在各約採
買風落之穀仍令本人取回不准吏役掃拾顆粒仍
一面由糧店購買以期足額紳民立記事碑於柳泉
亭歷述被災以來辦賑
始末以勿忘艱難云

沁源縣

沁邑於光緒三年秋禾被旱成災紳民尚未稟報州
牧 吳公於九月十六日親赴沁源沿途查訪各村
確知已有死亡遂至縣城傳集紳耆詳詢被災情節知
縣 廣公魁亦即訪聞詳報俾與武鄉一律賑濟旋
於十一月二十六日開倉大口每月給穀一斗小口
減半計極次貧民大小共四萬四千零六十二口自
十一月起至四年六月止五次放賑共用穀一萬三
千五百二十七石有奇共領東陽關什貼漕米五千
六百石未請籽種銀兩蒙 上憲發馬六十七匹牛
十九隻照章散放至其如何詳細辦理未經逐一報
州不能詳載

沁州復續志

卷四

災異

九

武鄉縣

武邑於光緒三年秋禾被旱復被霜成災知縣 吳公匡先後稟報請員會勘成災分數蠲緩錢糧清查極次大小貧民七萬七千九百三十一口先動常平等倉穀賑濟災黎自十一月初一日開賑起陸續至五年五月二十四日止共放倉穀一萬二千七十二石勸富捐輸錢一萬九千二百一十一千八百文米三百六十石以錢派紳前往蘇漕採買賑米二千零二十五石與捐米搭放復因賑糧不濟請將倉存兵

沁州復續志

卷四

災異

十

豆七百七十七石八斗四升四合四勺儘數動放並蒙 上憲撥發蘇東漕米四千五百石接濟又蒙飭發麥種銀四千兩散給有地無力耕種貧民復發無力耕種貧民牛具籽種漕米九百石貧民賴以存活賑務得以無缺嗣蒙發馬六十七匹牛一十九隻飭令農民減價領買所交馬牛之價由官置條農具散給貧農 吳公因地制宜稟明將馬牛飭約領回公用滋生不令交價 上憲發銀一萬二千二百兩令即買穀還倉以實倉儲 吳公按時價採買足數涓

滴歸公詳見縣志不贅

沁州復續志

卷四

災異

碑文

德政

凡官長在任紳民刻石頌功德原恐涉私然有關係
民瘼裨益吏治興利除弊爲地方計者存之檔案民
不能備觀勒諸瑣珉人始可共見非僅示一時亦以
詔後世也我州德政碑記自來多有奈年久剝落文
義不全未免有失 各憲苦心今乘續修郡志創添
此一條隨付剞劂庶幾永垂不朽矣復志德政碑

知州廬公德政碑

俞公祠勒石

沁州復續志

卷四 德政

十一

蓋聞常平倉積儲之例穀貴則減價以糶而不使太貴
以傷民穀賤則增價以糶而不使太賤以傷農事屬官
帑何容派定里甲自

世宗憲皇帝勸輸社倉穀石乾隆三年寄任常平倉成字厥口

嗣後書役往往假社倉以掛放常平及嘉慶五年

聖諭頒行社倉仍歸民間聽民自便而書役猶假設民願妄
請常平故於二十二年放穀四千石二十三年放穀六
千石二十四年放穀三千石侵漁之弊有不堪言者我
郡伯廬公察知其弊慨然日從前之領借盡是捏懇者

據稱民便民願孰意其困民若此哉此後常平倉穀石
永不許冒借冒懇假公取利書役不得擅權里老不得
專主廢幾積儲之實政亦復於今爲烈矣此其利民之
大者也卽驛所用之草必以時價採買今號定平稱十
六兩現交俞公祠里長收管以備買草時領用應差驟馬
或各約幫貼或合州公辦書役不得任意妄行以爲民
害凡此弊端吾爲爾沁人概除之我公此舉適恰民
願而有以宏

聖天子愛民之仁政也合州紳士軍民人等共沐其澤因樹

沁州復續志

卷四 德政

十一

廬公德政碑以誌不忘焉

署知州呂公除積弊示

南北路
十五約勒石

特授山西澤州府鹽捕清軍府署沁州直隸州正堂隨
帶加二級紀錄四次呂爲曉諭事照得秋審人犯現在
逐日過境例應添差押解前進共保無虞近聞該犯等
南北入境每致在約索討車輛驢頭倘遇約內戶稀民
少該犯等逼折錢文大爲民害寔屬不成事體本州念
切民瘼欲除積弊於該犯過境時當堂捐給驢錢每名
六十文除嚴諭押解僉役外合行曉諭爲此刊碑示仰

南北大道該管鄉地牌甲居民人等知悉自示之後爾等每遇入境過往人犯除年老病犯並女犯照舊章給車其餘不必給其車驢更不許折與錢文倘有不遵之犯爾等赴州具稟立即責懲押解本州言出法隨決不寬貸各宜凜遵無違特示 道光二十三年六月事至

今碑珉載道德政常留澤被生民無量矣

知州穆公重修書院設立膏火碑 書院勒石

沁郡銅鞮書院之建創於前刺史雷公而重修及經費之設則始於刺史姚公駱公善哉三公之作育人材嘉惠士林之意之不可沒也迄今書院雖設而山長脩膳數既不豐生童膏火缺焉未備兼之歷年久遠屋宇傾頽滲漏頗多不堪棲止歲在丙申之春余奉

沁州復續志

卷四 德政

十四

命來牧是州即以風化之純首重書院及履其地則見其凋

殘之狀心甚惻焉然諸生月課一端不可因其地之廢而不亟講也乃於署中設其書齋潔其飲饌聘延保陽王明經浩如主講斯席凡課中所取前矛例給花紅膏火余爲捐廉以鼓勵其進取之志數年來諸生潛心研究不負師傳於余獎勸之心甚相忭愜已亥秋余以考

書兩院亟宜分別修建並宜設立膏火請於 上台蒙
批准行在案伏查兩處工需爲費甚鉅不得不借助紳
民余乃集同城諸君而熟商之並札沁武兩縣合行捐
廉以爲紳民先闔屬樂捐共得銀一萬有奇計兩處費
用外所餘錢二千千有奇發商生息以爲山長脩膳及
諸生膏火之需現已大工告竣計書院新修正房耳房
等屋九間照壁屏門二處補修大門正廳等屋三十五
間工料堅實煥然聿新以視向之不堪棲止缺焉未備
者大有逕庭之別矣爰詔諸生負笈來遊執經請業師

沁州復續志

卷四 德政

十五

師濟濟慶聚一堂則河汾之雅化堪追前哲之崇勲克
繼余不已於諸生期之哉茲因董事者之請爲述巔末
泐諸貞珉用垂不朽非敢謂作育人材嘉惠士林之舉
也卽以推廣雷姚駱三公未盡之意也可至議叙銜名
捐數均樹考院碑記不復重勒於左

以下

鄧伯吳 詳承恩詳

上憲

文七篇

光緒四年六月二十六日 州牧吳公稟本年下忙

不能開徵由

敬稟者竊查卑州地方上年既被亢旱冬間又少雪澤及至本年三月中旬始行得雨節逾春分春大二麥種不及分貧民仍是乏食當將賑務稟蒙批准展限至八月停止在案其合境秋禾雖種至八成發暢茂然現在旱甚連日雖有陣雨總不濟事若於旬日內能得透雨可望有收第貧農牛具籽種以及工本均係典質房產衣物或重利借貸千方百計始行購備全賴秋成贖當清累藉以卒歲是民間元氣大傷斷非一收即可驟復正當少加愛養使之得以休息若賑尚未停而徵又繼之民力實有未逮如勉強比催不特抗欠徒事無益而貧窮百姓不死於災疫又將斃於敲比矣饑饉餘生何以堪此查上年下忙蠲餘錢糧已奉

上諭緩至光緒五年秋後起分作二年帶徵計在六年完

沁州復續志

卷四 德政

六

竣所有本年下半年察其情形實難開徵亦未便仍緩至五六年與去歲蠲餘錢糧同徵共比使民促迫再四思維仰懇 憲臺俯念民瘼格外推恩將本年下半年錢糧緩至七年秋後徵收以紓民力謹稟捐輸局憲批

據稟已悉仰候由局彙核詳辦至該州所屬武鄉沁源兩縣本年下半年能否徵收亦應察看情形據實稟覆以憑核辦毋稍遲延是為至要繳

七月二十一日稟沁武請開徵情形由

敬稟者據署沁源縣知縣廣合魁申稱六月十七八日先後蒙 卑州轉蒙 憲臺札開以晉省上年被旱成災州縣以及勘不成災之處均經委員會勘按照分數具詳奏請分別蠲緩欽奉

恩旨先准頒發騰黃敬謹刊刻一體行知在案卑縣地處高阜四面皆山縣屬四鄉坡地多云云再行據實詳

細稟報又七月二十日據武鄉縣知縣吳匡稟稱查
卑縣現種秋禾雜糧云云現在秋禾大概情形稟請
查核各等情到州據此卑職遵查沁武二縣自七月
初十日以前禾苗亢旱幾就枯槁竟有復災之勢幸
於初十後連得透雨苗稼沾潤而起庶可收成係該
二縣所以稟請開徵之由也然大稔之後元氣傷盡
斷難驟復正宜極力加以愛養使民可得休息豈可
以往嘗偏災一理而論見收即徵耶即勉強徵之殷
實上戶或可望完而中下之戶即嚴比恐亦難全納
以予遺之民更加敲朴情實有所未忍以目前而論
似可徵以民生而論則應緩卑職識見愚昧究竟應
否開徵 憲臺自有權衡理合將該二縣先後所稟
情形轉請鑒
核示遵謹稟

捐輸局憲批

據稟該州屬沁武兩縣秋禾情形以目下收成而論
似可開徵惟民當積歉之餘未便益以追比該牧見

沁州復續志

卷四 德政

十七

聞較近自必曲悉民情仰即轉飭該二縣查明實係
應緩即行具報以憑彙核辦理毋稍逾延干咎繳

八月二十七日稟卑州並所屬沁武二縣去歲緩徵
之款並本年下忙一並請豁核示祇遵由

敬稟者竊查卑州地方概屬旱地並無水田亦無河
濱可以灌溉合境秋禾尚少荒蕪惟本年夏間旱甚
禾苗幾就枯槁幸於中末伏得雨數次藉已長活而
雨中兼雷西鄉福村等九處禾苗打傷已經稟請委
勘成災詳辦在案其餘各鄉村雖未被旱被災統計
收成不過五分有餘甚屬歉薄但以現時而論既有
薄收錢糧正供似應勉力輸納惟以民生為計則大
稔之後正宜加以愛養使之少得休息斷難以往常
偏災一理而論見收即徵如必勉強徵之予遺之民
不死於荒疫又將斃於饑比為民牧者何忍出此况
民間如果有力完糧則冬麥籽種自可不必發給茲
貧民籽種尚不能自備必需官為代籌究何有力完

納國課此又錢糧萬不能開徵之明証也至前請
緩徵卑職復加體察亦有未協蓋沁陽地瘠民貧當
往常豐收樂歲所有應徵錢糧每每拖欠尚且無力
輸納茲於元氣大傷之後非一二年所能驟復去歲
蠲餘之項尚未起徵若再將本年下忙請緩則數年
累積來時一旦同徵其比若望全清力必不逮倘地
方官不及早為之乞恩仍拘成例混行逐忙比催則
緩今日之徵收即益將來之重累且積欠愈深完納
愈難將見節節拖延終無了局原欲推恩百姓而百
姓反為所苦是緩徵之道不過徒懸案牘於國計民
生兩無裨益卑職再四思籌惟有仰懇格外施恩將
去歲緩徵之款並本年下忙一併豁免而來年止完
來年本忙錢糧庶幾使民力得紓而國家維正之
供既免前後轆轤民生亦藉以培養是否有當稟請
核示祇遵至沁武二縣民情較卑州尤苦所有去歲
蠲餘錢糧並本年下忙亦應一併請豁免併聲明謹
稟祈
鑒

沁州復續志

卷四 德政

十一

捐輸局憲批

據稟該州地方秋收歉薄所屬沁武兩縣民情尤苦
已據情詳請爵撫憲且

奏將該州並屬應徵本年下忙並帶徵各款一律停徵
矣俟奉到

諭旨另行恭錄飭遵仰即知照併轉飭所屬一體知照毋
得敢徵繳

五年二月二十三日稟本年上忙錢糧可否減成開

徵請示並現在查辦荒地情形由

敬稟者竊查卑州上忙錢糧惟慮麥收現屆開徵之
際查看麥苗秀發倘春雨及時豐收可望似應照常
開徵以供餉需惟卑州額徵糧地共四千餘頃現種
麥地僅二成有餘其餘地畝皆須播種秋禾以麥秋
各半而論則種麥不及半中之空曠據報者僉稱此
間土性礮瘠二麥不甚相宜向來種秋地十居六七

今年種麥二成有餘較往時少種無幾等語是所種
 二麥雖不及半中之半比往年尚無甚懸殊然往年
 上忙糧賦得以徵起一半者小民樂歲頻仍並無宿
 累之虞故能習以為常不致有所藉口猶每每拖欠
 無力輸納今則大稔之後民困未蘇元氣未復若將
 本年上忙錢糧照常開征一半深恐民力實有未逮
 卑職忝膺民牧職司催科固不敢稍弛催征貽悞正
 賦亦不敢強事敲朴罔恤民艱可否仰乞 憲台俯
 賜轉請將 卑州光緒五年上忙應徵五分錢糧重減
 二分徵收以紓民力之處出自逾格 鴻施祈候
 鈞示遵行再前奉 憲局轉蒙 爵撫憲以大稔之
 後地畝荒廢甚多行令分出老荒新荒清查辦理嗣
 復奉 札催限文到十日內查明分數造冊詳報各
 等因查 卑州糧地四千餘頃自此次災稔之後去年
 會逐處稽查荒地約在二成上下本年除種二麥二
 成有餘外下餘地六七成屢經諭飭各村鄉約社首
 確查冊報並徧行示諭村內凡有流亡絕戶荒棄地
 畝先令業主之本支近族承種如本族無人次及同
 村富戶倘村人皆不願佃種即歸村社作為公業出
 社內出資耕種承種何人承種某戶遺地若干畝造
 冊報明掣給印照以免爭執業主於五年內歸業於
 當年收穫後准其認回五年不歸即為承種人承業
 按印照上所填畝數過割完糧他人不得爭競再有
 主荒地實因無力不能耕作者由村中小康有力之
 家勸令量借籽種工本或在社費內借給貧戶秋收
 後加息歸還抗不清還者稟官究追倘村無富戶社
 費查明實在貧戶地若干報官查勘籌給工資籽種
 以資耕作迄今未據各村社報齊察看情形惟貧戶
 無力耕種荒地大致亦不過二成之數究竟荒地實
 在細數若干州境地屬山區坡多平少村落零碎田
 畝畸零非急切所能清楚案關荒政要務卑職何敢
 以限期緊迫意存敷衍草率轉致不實不盡總期地
 無廢棄糧育著落仰副 大人 事求實濟之至意除
 即徧查齊全即行稟辦所有開徵本年上忙一半錢
 糧酌量減成徵收緣由合先據實稟請察核示遵謹
 稟

五月初七日稟 卑州現在得雨情形擬請上忙減半徵收並停止賑務由

敬稟者竊查卑州地方自入春以來雨澤缺少卑職屢次設壇祈請並赴伏牛山虔誠步禱雖屢得微雨總不及寸所幸卑州地氣素寒麥苗長發較遲尙不至十分乾壞然亦不能暢茂速至芒種已過田間望澤尤殷而天氣亢旱不勝焦盼之極幸於四月二十七日得雨一寸有餘麥苗稍蘇二十八日復得雨三寸有餘四境一律霑足麥苗正當吐穗之時忽得甘霖一時渤興詢據老農僉稱此雨正當成實之候必然籽粒飽足收成可望其間偶有乾壞者亦即改種秋禾於農計尙無所損所有種秋之地亦皆一律種齊或有布種太早不能出土及雖出土而禾苗過稀者均經隨時補種民間已頗有轉機惟卑州種麥向止十分之二是以前於二月二十五日稟請將上忙應徵五分錢糧減去二分於三月二十二日蒙

沁州復續志

卷四 德政

三

憲臺批查本年上忙錢糧已詳奉 爵撫憲頒發告示所有被災最重之冀甯河東兩道所屬各州縣展至四月十五日開徵以紓民力在案仰即遵照屆時察看情形再行稟請核辦並先將新舊荒地逐一清查據實造冊具報以憑彙核辦理毋違繳現在收成雖然可望而入春以來雨澤短少麥苗不甚暢茂收成自不能不稍減色再四思維仰求 憲恩將上忙應徵錢糧減半徵收俾民力得以稍紓而維正之供亦不至久懸矣至賑務現在二麥將收秋禾已布田間作苦在在需人貧民已不難得食似可停止惟去歲奉發漕米每斗均是十二觔是以卑職均接十二觔一斗發放今春所領漕米每斗十三觔一十餘兩或十二觔十三四兩不等除放至五月底正額餘米一百二十餘石盈餘米三百九十餘石共餘米五百石有零約可再賑半月餘可否儘此項漕米全數放完再行停止抑賑務即於五月底停止將此項所餘漕米存倉另候撥用之處 俯候 訓示遵行謹稟

六月初三日稟遵批妥籌上忙減半開徵情形由

敬稟者竊卑職於光緒五年五月二十八日蒙

憲臺批據稟已悉該州既已普沐甘霖甚為欣慰所請本年應徵本年上忙錢糧減半徵收之處該牧當察看民力實在情形如何悉心妥籌盡善俾羣黎得沾實惠杜奸民無厭希冀仰即遵照辦理至所賑貧民現在既得食應即停止所餘漕米自應存倉以備不虞之需另候撥用仍將遵辦緣由再行據實稟覆核奪毋違繳仰見 憲臺俯恤民艱剴切周詳卑職曷勝欽佩竊思糧出於地必計地之所出以為準卑州麥地所種絕少得雨後收成僅有五成若驟全數徵收連歲荒歉民無蓄積誠恐力有未逮是以傳集二十里里正再四斟酌據稱富戶種麥百畝之地不過二十畝貧民十畝之中亦種麥二三畝不等土性之宜如此所以農計亦不能不如此收成則合州亦屬相同若照常開徵民間多有不能全完者倘因大役之後民力不足分別予以寬免一有參差則奸

沁州復續志

卷四

德政

二十一

民得以從中刁抗而徵收必至棘手且民間有糧久不徵收成不旺之語亦可知民彞自在但難望之刁生劣監耳惟有一律減半則良民得盡其事上之忱而力亦不至甚絀奸民無所容其詭避等語此卑職之所以冒昧一律以減半為請也 上發魚鱗册式即隨同徵糧紅簿遇有封糧之戶即令其照式註明以備比較考查至荒地一節雖可上邀 憲恩然亦必實在拋荒始可予以緩征以杜影射卑州自被災以來蒙 恩發放籽種已及三次雖窮鄉僻壤死亡絕戶所不能免自屢獲甘霖以後四鄉一望青葱禾苗被野頰形暢茂大致播種已齊荒廢尚不致甚多此次所放小米三百石據各約所報零星小戶共四百九十二頃皆十畝以下貧乏小戶除已放四百頃外其餘已勸令通融籌借及時播種俟各約將人名細數送齊再行呈請核辦惟光緒三年下忙未奉停徵以前徵收過正耗銀二千四十六兩八錢七分七厘業已批解 憲庫在案查此項銀兩照例得抵正賦自應仍令各抵本人應完之糧不許張冠李戴以

杜牽混不敷則仍令補交有餘則仍令存記此卑職
籌辦今年上忙之情形也至武鄉縣前經據報麥收
四分按例即係成災五分應蠲免十分之一况當連
歲荒歉之後民力拮据之時乃稟請開徵則云無庸
蠲緩雖該縣尚有溢完在官之款可以作抵但溢完
者既係有餘之戶則今年上忙必多係貧民可知似
尤當撫恤沁源人民凋弊田地荒蕪特甚所當加意
撫恤之區前於本年四月二十七日據該縣七里里
書王尚元等來州呈控懇求免其徵比細詢其故則
云錢糧難徵不堪嚴比等語乃該縣迄今尚未稟報
麥收分數而漫請開徵殊不可解可否仰求 憲臺
俯念民艱酌量施恩之處出自鴻慈謹稟

捐輸局憲批

據稟該州大稔之餘民力拮据請將本年上忙錢糧
減半徵收仰候彙核詳辦至所請光緒三年下忙溢
完銀兩作抵正賦查該州光緒三年合境被災所有
停徵以前溢完銀兩照例准抵次年正賦該州四年

沁州復續志 卷四 德政

又復被旱應准將前項銀兩作抵五年正賦所有該
州荒地業經由局委員查辦在案應即確切查明稟
請核辦毋得稍涉含混
是為至要繳

稟賑濟過極次貧民人數穀數按月摺報由
敬稟者案蒙

爵撫憲札飭令將本地捐輸及領到賑銀如係散錢
須將每銀一兩易錢若干按大小口日給若干倘係
以銀購糧所派何人在何處糧店購買若干與夫倉
存米穀領到賑糧按大小口日給若干何日開放放
至何口大小口若干人放過若干尚存若干一面按
村榜示一面按旬詳細具報並報

憲臺查考等因蒙此遵查 卑州地方去歲被災七分
尚有三分收成當稟請 委員會勘明確查明極次
大小貧民丁口三萬一千六百餘名並動用倉穀賑
濟情形稟明

撫憲在案迨後 卑職因思地方被災甚重二麥均未
下種賑務為日方長而倉穀有限若不及早稽查浮

冒設法節省恐將來賑款不敷無從設措隨於十一月未開賑之先復親詣城鄉挨戶細查其中多有刁猾之徒朦朧冒報者亦有初查時本有其人及至復查已經逃亡者又次貧中藉有三分收成暫時尚可勉強支持可以稍從緩賑者於復查明確後即行一概扣除極貧至光緒三年十二月初一日開賑起賑至年底次貧自十二月十五日開賑起賑至光緒四年正月十五日共極次貧民二萬一百三十三名用倉穀二千一百六十石六斗又極貧自正月初一日賑起賑至月底次貧自正月十五日賑起賑至二月十五日共極次貧民二萬一百九名其中間有死亡者開除聞賑歸來者添入是以較上次人數稍有不符用倉穀二千一百五十七石 卑州倉穀係一月一放擬合另行按月造具簡明清摺呈送
鑒核又原稟極貧請賑至二月底次貧賑至二月十五日現查荒旱情形較去歲猶甚斷不能停止應請將極貧展賑至五月底止次貧展賑至五月十五日又去歲稍可緩賑之次貧開賑時暫行扣除

沁州復續志 卷四 德

茲查明尚有五千六百九十二名現在實難自活不能不賑又有去歲本不貧乏之家茲成爲極次者查實有二千九百二十九名又據儒學移送貧生王朝忠等二十九名前來連其家口共大小二百二十三名已于二月稟蒙

撫憲批准一概分別加入極次貧民內給賑至卑州常平倉額儲穀一萬九千九百四十一石四斗二升一台五勺除放過四千三百一十七石六斗尚有穀一萬五千六百二十三石八斗三升一台五勺核計足敷賑放又卑州設立捐局查有教諭駢沁家道殷實樸誠可靠邀令總司其事又邀正紳武生李鳳鳴等十餘人幫理刻下共捐得錢七千一百四十千文其交到之錢易銀一千一百餘兩派武生李鳳鳴王遷岐前赴忻代購買春大麥二種合沁市斗一百六十餘石下餘已捐未交之款趕緊催交查現在兩仍不降麥不能種麥種每須再買前擬將此錢儘數需赴河南清化買米前來平糶以濟窮黎稟蒙 曾憲批示毋庸買米平糶著購雜糧籽種存俟雨澤

沾足時借給有地無力農民播種所有辦理情形擬
合稟報
憲鑒核批示祇遵實為公便再所有賑穀暨捐輸
各款均係交給公正紳耆散放辦理卑職逐日督同
吏目儒學稽查書役一概不許經手而杜舞弊合辭
聲明肅此具稟

沁州復續志

卷四

德政

沁州被災賑濟記事碑

紳民勒石

沁山郡也素稱瘠區民惟資耕種以生地多岡阜無溝渠灌溉之利每視雨之多寡爲歲之豐歉光緒三年春雨澤愆期歲漸不登州牧河南固始吳公承恩捐米九十餘石以濟鰥寡孤獨諸廢疾者民間雖稍拮据尚未轉於溝壑也及秋旱益甚田禾不能成實而歲遂大饑矣沁俗種麥必於季秋遲則土脉凍結不可耕耨是秋麥種不能入土遂並來春而亦饑矣斗米一千五百餘文民之死亡者相繼於道適太子少保威毅伯

沁州復續志

卷四 德政

三五

曾公來撫晉州牧吳公以災報奉批准停徵且飭開倉放穀以賑饑民設局勸捐以備籽種停徵而並傳來歲之徵開倉准盡放倉中之穀皆異數也勸捐予獎叙以示鼓勵所以惠捐戶即所以惠兆民也於是遵照憲定章程慎簡紳董擇節經費於是年十二月放賑大口日給穀四合小口減半書極次貧於戶以杜冒濫每月約用穀二千一百餘石至四年三月後民間宿糧已罄漸加至三千一百餘石饑民於是得少蘇矣是時捐貲亦漸集因用錢四千八百餘千購買春麥及豆五百餘

石散給有地無力農民俾及時播種乃自正月不雨至
於四月春耕已無及五月初始得雨民惟能種秋禾收
成尚需時日賑不可止而倉穀一萬九千餘石放且盡
復蒙撥發南漕米一千七百石遂與倉穀減半搭配散
放俾賑至成熟而後止而自五月得雨後又六十餘日
不雨田禾且半枯七月中始獲雨秋收僅可望中稔八
月甫停賑九月初連日雨驟繼之以雪民氣未復收成
又歉 州牧吳公以地方困苦情形剴切具稟奉批特
予停徵於是停徵者三次矣例須分年帶徵所積既多

沁州復續志

卷四 德政

三六

民力且將不堪 州牧吳公復以爲請奉批概奏請豁
免且發銀四千兩及所餘捐款二千八百餘千購買二
麥散籽種於季秋又蒙撥發蘇東各漕並閩糧餘漕四
千九百餘石賑民於來春青黃不接之時是秋既有薄
收民間稍稍能自給饑民較減五年自正月每月約放
米八百餘石賑至五月底止是月復蒙發小米二百餘
石以給貧乏小戶之不能具籽種者自被災至此歷三
年閏廿二月一切經費共用錢一千四百餘千夫遇災
停徵舊章也乃一而再再而三且慮及異日徵此所停

之徵爲民累於無盡也盡舉而豁免之則歷來停徵所未有也開倉賑濟成例也例止得放三分之一耳乃盡會穀而放之且購之遠方假之鄰省務使不間斷不後時源源接濟始終無缺則歷來放賑所未有也以捐貲購籽種前後用錢七千八百餘千以恤農民不爲不厚且加之以銀繼之以米務使窮鄉僻壤貧乏小戶均被其惠嗟乎何深仁厚澤一至於此乎大抵天降非常之災必出非常之人補救之以彌造物之缺陷非官保曾公之力不及此非我吳憲奉行之力亦不及此而

沁州復續志

卷四

德政

二十七

國家之恩於是爲無旣矣當時協理其事者爲州學正孝廉董公贊襄余亦始終與焉確知原委敢據實詳誌俾勅諸石在事之人俱刻名於石之右錢穀之數刻於石之背以永垂不朽云

駢月川撰文

藝文

文運與氣運相關蘇海韓潮李仙杜聖豈可薄為小
技哉第儷白抽黃惟矜華藻吟風弄月徒暢幽情即
舊志所謂無關掌故弗概登也蓋時際昌明人文蔚
起家有一稿美不勝收茲謹遵前例擇其文雅馴有
補世教人心並關風土者錄之以俟輶軒之採焉復
志藝文

記

重修文廟碑記

道光十五年

學正

逯映堂

壽陽人

沁州復續志

卷四

藝文

三六

道光辛卯冬余秉鐸是邦晉謁聖人廟堂至崇聖祠東
西廡次及名宦鄉賢忠義節孝等祠旁及奎星樓文中
子祠門垣內外完固崇宏因慨然曰沁在萬山中居天
下之脊土瘠民貧生計維艱而風化重地規模若此且
泮宮尙存侑舞器數一準成式又何雍容有禮樂意也
儉而好禮知所當先沁士風其蒸蒸日上乎及與郡人
士接詢其始末僉曰沁廟學自

國朝康熙年間吳文端公捐俸重修載在碑記迄今百四
十餘年殿廡日就頽弛幾不可以妥神明而肅祀典父

老觀者有撫今思昔之感焉公四世孫名茂才者毅然有紹修之志招同人諮議同人咸贊成之於是分派諸紳協力勸捐得錢五百萬有奇乃卜吉興事因其基易其朽傲絢以丹青自辛卯春三月始閱年而次第告成洵哉其急公也其好義也其知所當先也余乃益爲沁人厚望也

國家崇儒重道天下郡縣咸設廟學諸生以時習禮肄業其內豈徒附宮墻而叨光寵哉將使出入於義路禮門中誦其詩讀其書畢然與先聖先賢相悟對由是播諸

沁州復續志

卷四

藝文

完

文章則爲有本之學施諸政事亦爲有用之材爲大儒而爲名臣蓋未嘗不由此也卽或椎魯之士限於材質亦各有所持循遵規蹈矩不敢爲青衿佻達之習以自蕩其行檢使民有所觀法而薰爲善良此學校爲人材所自出而風俗純茂亦由此焉今諸君子不辭勞瘁克成盛舉余旣嘉吳生茂才能繼其先人文端公之志而諸君子惓惓然與人爲善之雅懷其有裨於文教士習者尤不可沒也是爲記

重修城隍廟碑記

知州 鳴 鐸

竊維城隍尊神受命上帝鑒察陰陽爲一方之保障司善惡之彰燁祀典以正廟貌宜隆也茲沁郡城隍廟建自前明歷年久遠中間雖經節次重修而自雍正九年迄今又經六十餘載風雨飄剝漸就傾駸歲丁未余奉命來牧茲土謁廟展拜日擊惻然亟思有以新之而懼慮工不易舉也已酉秋謀於郡進士前儋州牧嘉炎吳公暨老城紳士咸稱宜倣舊規里中公募興修俾衆擎易舉余喜而從之仰賴神庥一呼百應遂成義舉于辛亥三月卜吉開工俾士民之廉謹者專董其事余于簿書之暇率陳尉不時督課于是缺者補朽者易金碧輝煌殿閣煥然庶有以壯觀瞻而安神靈焉壬子季秋厥功告成余既感尊神之默佑復嘉沁民之樂善因援筆以誌其始末命將勦功者勒石并記募財者於碑陰用爲後勸云

沁州復續志

卷四

藝文

三

重修三祠碑記

嘉慶六年

知州

舒

翰

昔先王以神道設教而天下服涵泳鼓舞示民化也而公署之立廟則不然

國家以民事爲先凡有關於民事咸立廟焉以神主之顯

遞之傳必用馬力則天駟爲先官吏之治必有師承則
鄴侯爲重至奠民居而厚民生爲一郡之保障者則土
地之神尤不可不祀也沁郡州治之左舊有三祠爲民
事而報本也自創始及今其間之增修者屢矣載在碑
記無容再贅而目前皆就傾圮雖相離數十武各爲一
廟而棟折椽崩墻頽瓦裂則異地而同形也有心民事
者可熟視而無睹乎况修廢舉墜者守土之責也仍舊
重新者恤民之力也余自下車以來每於朔望展拜之
餘意欲修整而量力度材殊不易舉且民未吾信不可

沁州復續志

卷四

藝文

三

以勞閱二載始與僚佐議捐俸貲以爲民先曉諭書役
四方募化民亦翕然樂從解囊輸財彙錢若干於是庀
材鳩工越五月而規模粗具未及告竣余有憲檄之行
牒下頻催不得適觀厥成未免有情誰能遣此雖行旌
載道有眷念不忘焉耳然是舉也殿宇壯輪奐之觀門
墻加丹堊之飾舞榭歌樓燦然昭管絃之盛非獨可以
妥神靈亦可以肅觀瞻也從此而車牢馬健吏治嚴明
品物咸亨有不捷若影響也哉蒞茲土者當亦與有榮
施焉余將遠行沁之士夫懇求爲記余念其誠欣然先

諾抵省之暇因於寓所述其巔末以答諸君子當亦不
以余言爲贅也至經理諸人施錢姓氏則在諸君子排
列耳

增修考院記

州城考院之設始於明末創而未備我

朝百數十年屢經添建修葺總之號舍淺狹多不能容諸
生童究亦覺有未便而督學隨從之人舊有房間不敷
棲止竟以席棚代之夏則風雨驟至上漏下濕人多立
泥淖中冬則密雪嚴風避寒無策且席之設木竿繩索

沁州復續志

卷四

藝文

三

等數亦不能不擾累民間此獨非守土者之責歟前牧
劉君甫蒞茲土即詢悉其故及己未十月學憲按臨適
陰雨數日日擊情形實甚愧焉因與沁邑戚明府武鄉
恒明府暨學正周君輩公議增修所有經費勸令一州
兩縣士庶量力捐貲數不多而解囊較易諸君咸以爲
可士庶等亦皆踴躍從事集有成數於是鳩工庀材屬
友人范君諱華春經營總理錄事陳君諱 查察糾
督總以樸實堅固爲主一時土木並興新創者二十餘
楹拆建者一十餘楹缺者補之傾者整之衡文有所隨

從有樓不煩民而民之累已除矣是役也經始於庚申
初夏落成於九月望日計費七白金有奇斯亦可增美
備也乎余下車後覩茲宏規備稔始末而羨劉君之振
興不可沒也是爲記

重修考院碑記

道光二十二年
知州穆克德超

嘗攷試院之設今古胥同皆所以集羣彥羅真才以作
股肱耳目之寄也其間屋宇墻垣不容稍有殘缺我

國家定鼎以來崇儒重道文教誕敷而于選舉之典至嚴
且備則考院之重修與考院之新建不有並重者乎州

沁州復續志

卷四

藝文

三

城有舊址歷年久遠傾圮頗多扁試之時不堪繕止稽
諸州乘始知創建于明季刺史張公增修於前刺史劉
公再修於張笏山刺史夫笏山以立意修建之初卽有
權篆平定之役其舉雖定厥志未成余於丙寅之春奉
命來牧是土適接其任下車以後卽詣其地而歷觀之撫

凋殘之棟宇已覺神傷覩頽廢之墻垣尤深目警况歲
科兩試駐節掄材拆建增修實難稍待因集同城諸公
而熟商之並札沁武二縣自行捐廉以爲紳民先其時
則有王道久干戎遠蘭畦廣文劉韞山少尉詹竹谿少

府沁源李笠樵明府武鄉劉彤鄉明府共捐銀一千四百兩州屬三城紳民共捐銀九千四百二十九兩勸捐則有署城守王煦亭百戎於是始諏吉興作庀材鳩工以紳士王琇等董其事以劉韞山少尉詹竹谿少府督其工閱一年而大工始竣添建得穿廊號舍等屋三十一間轅門月台五處大堂二堂上房廡房號舍等屋一百一十六間照壁樂樓圍墻引路五處工堅料實備極經營以視向之荒涼傾圮觸目難堪者悉易而爲重門峻壁規模宏敞之觀矣落成之後余以斯舉詳於上台

沁州復續志

卷四

藝文

三

轉請入奏蒙

恩允准獎勵凡在工捐貲官紳士民皆仰荷

聖慈嘉其樂善錄其微勞均予加級議叙賞賚有差是役也始於道光十九年八月成於二十年十月茲因告成董事者以勒碑爲請爰述巔末以告後之牧斯郡者尙其隨時修葺俾簡賢之地常昭輪奐之美於不替云至捐數姓氏另碑摹刻以便觀覽不復重勒於後

重修廟學碑記

學正

董贊襄

霍州人

考碑碣所載聖廟係道光辛卯重修若明倫堂敬一亭

則猶居其後歷年未甚久遠似不宜有坍塌之虞迺歲
值辛未天雨連綿殿廡亭舍既多疎漏而明倫堂後檐
滲水榱桷已經朽腐垣墉幾至傾頽夫以沁爲學憲按
臨之地歲科試謁廟之餘升堂講書若非亟爲修葺非
所以崇文教慎職守也因於斯冬邀集紳士共商之咸
可其議又得同學諸君子分路募化始於壬申孟夏六
閱月而告竣自聖廟前後以及奎星樓文中子祠敬一
亭明倫堂無不次第備舉黜聖丹獲煥然改觀是役也
工料用錢九百千有奇而告成演劇遂用至五百千之多

沁州復續志

卷四

藝文

三

蓋沁郡每舉大工於落成之日必擇吉優戲設筵會蒞
以收布施名曰開光非此則一文不到習俗相沿率不
可破竟至於此倘捐貲者早爲施送俾省此無益之費
得以儘數修理豈不甚善移風易俗權在有司而諸君
子亦俱能爲力吾蓋於沁有厚望焉是爲記

重修關帝廟碑記

歲貢

李暄枝 郡人

正氣常昭於宇宙盛德衆著於人心凡有血氣莫不尊
親自生民以來未有如關聖大帝者也窮鄉僻壤各有
專祠大邑通都既成清廟矧夫仰其靈佑祀以太牢

國家之尊崇鉅典維昭哉是必高其閭閻厚其墻垣實實
校按殿宇有血而後即安城內之專祠有四然多民間

祭禱所營非

朝廷大典所繫惟此街西之關帝廟乃合州湮祀之所從祀諸神廊廡皆備春秋時祭仲夏特祭而且每月朔望郡伯必謁焉君蒿悽愴義取諸萃詎可忽諸經始於宋元豐二年明萬曆中增修逮我

朝定鼎以來康熙七年重修二十六年又修今閱百三十餘年矣剝落摧殘難蔽風雨歲在戊寅住持請於州主令募化經營衆歡從之越三年工程告竣丹楹刻桷煥然一新茲固威靈之所感而人心之嚮義亦有不可沒沁州復續志

卷四

藝文

三

者謹述其始末刻著於石並將鳩工捐貲各姓名附錄於後示不忘也

重建帶玉橋記

舉人 吳元慶 郡人

沁郡西渠之西有澗泊焉地狹溝深水流而多凝污蓄而無所洩且通沁邑孔道並州西鄉之往來者靡不由之知古人帶玉橋之設誠急務也攷郡志是橋創建於明正德十四年重建於明崇正十五年

國朝屢有修葺歲次莫能備稽然自圯至今已數十年所行者負重迂道四時感受其累而卒無可如何詢其類

廢之由緣此地本大悲寺約所轄而路則與南陳村相近大悲寺在州治之北離橋較遠宜視橋爲不急之務其近路之村又因其所轄不一遂亦莫肯首事焉以故推諉遷延有互相觀望已耳幸有洪濟寺僧義鐸與州之士夫數十人公同酌議邀近村之賢而才富而好禮者量力捐貲採買木石擇吉興工然後徧募四鄉並赴穀遠以及外方廣爲勸捐共得錢壹千五百餘千除木石料價並各工匠役之費尙有餘貲因置橋西地一段爲異日補葺之計是役也建議於辛亥仲冬落成於壬

沁州復續志

卷四

藝文

三

子之季秋未經期月之間成數十年久廢之舉何前此興工難而斯時成工之速哉予竊有以知其故矣天下事泥人我之見者情已離泯彼此之跡者力乃萃謂是橋爲一方獨濟之橋則約與路各執人我之見矣知是橋爲人人共濟之橋斯約與路難分彼此之跡矣試思今之助貲勸力者原不獨本約之人與近路之衆也特慮無好義者以倡其事耳從來切要之圖因兩相抗而廢弛者往往然也獨斯橋也哉特願後之人毋各執約與路之說以時加修葺俾斯橋永垂不朽焉是人人之

所厚望也夫

重修火神廟碑記

舉人 吳元慶 郡人

世多以宏廟制壯神威爲邀福之舉而予謂不然古聖王先成民而後致力於神未有民事不修而神尙或居歆者則民事之與神教非一而二二而一者哉輕重緩急之間惟在有心者之得所調濟耳沁郡火神帝君廟在城東南里許臨孔道焉其勢與郡西北真武祠遙遙相對真武水神也位基龜山之陽其地近坎爲漳水西河合處二水繞城而南至筆峯山遂折而東過離位旋

沁州復續志

卷四

藝文

三

繞廟前廟之左復有泉水冲道而出與大河匯故廟外數武建一石橋然舊與廟制無與也其水勢隨橋傍路東出數百步復折而南故橋路往往爲水所侵而卒莫能制歲丁酉郡人士之急公者議廟重修請於郡牧並謁城守廣爲募輸得錢數百萬有奇於是遽興土木者新之缺者補之改舊制之內門爲牌樓以示宏敞重建樂樓添設執亭以昭壯麗墜茨丹雘內外聿新葺月之間工程告竣吾鄉風俗近古固宜有倡而無不應也獨是集貲既廣則工務必侈而襄事者且能節廟中之

費兼修廟外之橋橋東添砌大石堰以護路是蓋足以見樂善之真而營謀之苦焉考廟之創建代年已不可知然每有增修載在郡誌至乾隆乙酉規模如備先曾叔祖香山公記之詳矣厥後屢加修葺至今未甚傾圮也而郡人士之急爲鼓舞者豈徒以禱媚之私祈見佑於冥冥之中哉毋亦以神之靈久已震斯人之耳目則假神之力易以平世路之崎嶇今而後非惟瞻廟貌者凜赫濯卽履坦途者亦將謂微神之惠不及此則橋不且以附廟而永垂不朽乎是神之所以庇民者顯而有

沁州復續志

卷四

藝文

三

徵慎勿謂神司火德火德之外遂卽無與民事也落成之日將紀輸財姓氏因問記於予予深幸斯舉之樂利咸宜也因特揭事神之義俾刻諸石以爲後世勸云是橋原以雙水名予觀漳流自坎而入至離而出司水司火之廟以一水濛洄於其間而橋適當其際則卽名橋爲旣濟焉可橋隨廟修故於紀廟制也並及之

重修龍珠寺碑記

舉人

李秀良 武邑

竊以學道者禪家之要務也修寺者善士之極功也沁郡仙鶴山有龍珠寺乃前明古刹殿庭數十楹院產三

百畝僧衆傳賢久禁雍度

寺自雍正十年供養十方選戒僧賢者主之

冬夏

授戒互相警策以是十方衲子來遊者歲有其人三藏清規不知者難入其室無如法運垂秋人心不古僧多涼德寺亦漸朽有晴峯禪師者揚州人也法名恒橋字寶筏姓陳氏家世簪纓冲幼業儒不慕榮利不好聲色咸豐丙辰粵匪蹂躪淮南鄉人四散師祝髮爲僧雲遊南海北岳以至泰岱五台諸山叅善知識徧歷七八省得法於錦屏老人遂悟禪宗妙旨深解法華楞嚴諸經大義布衣蔬食晝夜虔修衣不解帶者十有餘年師初

沁州復續志

卷四

藝文

四

不願人知也歲至戊辰始來山西谷城紳宦見之留圭離相寺法席時年三十有九後二年游吾沁仙鶴山見此地林松鎖寺烟雲出其庭階流水垂空花鳥迷乎洞壑師輒有退居於此之意俄而牛侍五村紳士邀師爲龍珠寺方丈師受請益以自勵曾燃指奉佛刺血書經無非爲君親祝福爲法門救弊扶衰也壬申之冬嘗爲衆善說戒不期而會者莫可勝數本社王君耿光年幾六旬渾厚多才與其村樂善者梁君崇山等四百餘人議修此寺庀工度材破者補之廢者建之辛勤至苦不

一歲而事竣廟貌聖容煥然一新但此工程至大洵由
各處善信贊助而成施捨之德與經理之功均不可以
湮沒而禪師好道感應之盛更於此見矣故特窮源訖
委而樂爲之記

敬惜字紙碑

歲貢 李暄枝 郡人

易有之善不積不足以成名小人以小善爲無益而弗
爲故惡積不可掩惜字一條似屬疎節然文以載道爲
聖賢心無字則萬古如長夜是有關名教小德也而大
德存焉矣况乎散之爲字積之爲經化書垂訓聖謨洋

沁州復續志

卷四

藝文

聖

洋朱子小學諄諄告誡有故紙不敢他用之言夫他用
且不可矧其棄擲淺而言之學士通經致用固不可忘
其所自來即農工商賈何人不需書契此亦猶布帛菽
粟之不可離而會意象形通乎神明尤宜珍重則敬勝
者吉實爲士大夫百行之一前輩諸君子置田若干僱
人掇拾不知廢自何年幸碑文尙在此亦羊存禮復之
遺也歲壬申同人欲修其事住持祖和延衆商議酌爲
成規五日一拾於四仲月十六日二人經理焚其灰投
於河又將田中租課每次除錢五百文以供齋膳非爲

飲食圖齊備計長久也謹序

沁州復續志

卷四

藝文

文

姚公

誥贈碑文

張孝捏

郡人

離合悲歡之際或以年計或以世計遲速有時而由離而合由悲而歡要無非積誠之所感與積德之所致史冊所載夥矣余於司農姚公之封公而益信夫姚之有司農也沁不之知也不知有司農又安知有司農之父司農之祖且安知以司農而榮及乃父母乃祖父母也耶丙辰歲余選史館居京師桑梓來往輩指不勝屈去年秋或有以奉天姚司農諱應鵬公為同郡告者余第

沁州復續志

卷四

藝文

聖三

存之弗深信後數月司農以刺投延入言笑舉止宛有沁郡風味詢其故則尊人封公原籍州西之郭村前己丑大兵壓境隨兵至旗丁卯至沁祭祖暨有碑記且出其所紀封公遺囑並前後事實示余因蹙然曰鵬不才叨列戶曹幸值

聖天子

覃恩例封二代將礮碑以紀

隆恩以垂

不朽先生肯賜一言乎余讀其文聆其語而不禁有感也蓋當封公隨營之時父母被兵年幼不能記憶鄉貫所謂流離之悲莫甚於此數十年後音信忽通拜墓有

日雖不獲與祖宗父母生聚一堂而修齋設醮睦族和親離者復合轉悲爲歡矣然尚未能復宗究且謂他人父他人母其東歸也想亦有難以爲情者矣迄乎否極泰來禍中藏福遭凶人之驅逐免無辜之牽連失素有之家貴創新建之基業至今封公以子貴並封公之父母亦以孫顯千百里外捧龍章而光世德者固北韓之戶籍仍姚氏之苗裔也沁郡於是始知有司農之父且知有司農之祖父母矣可不謂合與歡之重且大者與然非積誠之至未必有夢警之靈使晰本支故里未必有

沁州復續志

卷四

藝文

畧

分宗之論俾無遣配他邦而非積德之久亦無以致厚實於萬年邀

榮封於數世也余觀司農善述善繼

祖父之思頃刻不緩於衷宜乎移孝作忠聲望赫濯王眷彌隆行見三晉台封萬里顯親揚名更有未易限量者當不獨爲一族光並不獨爲一郡光也夫

跋

陶靖節先生草書法帖跋

張孝捏 見前

靖節先生人品學問晉代第一從未有稱及書法者歲辛酉余於友人處得所草雜詩十二首古勁流逸墨蹟宛然遂攜至京每一展玩輒不忍釋手因思物之美者不可秘而弗傳與傳之不廣且久况物以人重世不經見如先生手澤耶爰訪名工鑄之貞石以公天下後世知好事者觀之不啻神依五柳覺羲皇上人去今不遠也

沁州復續志

卷四

藝文

五

菜根軒詩集跋

王

嵩

見文苑

先叔父松坪先生服官數十年簿書之暇不廢吟詠得詩一千三百餘首久為海內名公卿所稱賞屢思鈔板行世奈無剗劂之費宦况之清貧可知咸豐癸丑秋調任江甯羽書旁午積勞成疾而未敢遽引退病中取手稟付鈔胥錄副本託友人藏之手藁則以自隨甲寅七月賊匪破秣陵行館中劫掠一空幸副本尚存遂乞吾友孫賓華兄校勘數過開雕於吳門乃刻集及半先叔父於乙卯二月二十七日棄養嗚呼痛哉閱三月

全集告葺質衣印數百部分贈知交想可信今傳後矣

出幼時隨侍晉陽學署讀書厥後遠而滇池近而江左

亦依左右每見挑燈覓句一篇成輒命謄寫自慚樛昧不能仰窺詩意之萬一然亦略悉其用心大旨原本忠孝陶冶性情凡身世可悲可愕之事以及山川之雄奇民間之疾苦無不於五七言發之豈若詞人墨客僅嘲弄風月留連光景而已哉吁不朽者名易逝者身奉茲遺編哀戀何已今將扶靈柩歸葬沁州并將詩板攜歸藏之家祠以弟崑年纔十三此時未知寶護手澤用識數言於卷後以明刻詩之不易如此他日弟崑成立敬展全函警欬如聞益當刻勵於學以承先志庶少慰凌雲之念矣乎

沁州復續志

卷四

藝文

四六

武生郝公傳

廩生 王 豫

郝公廷杰字國瑞郡之武庠生性孝友志慷慨才雄而數奇狀貌魁梧孔武有力初業文善屬詩然試輒不售或有以投筆封侯勸者公乃憬然悟蹶然起曰吾亦欲由武階進耳安能鬱鬱久事筆硯間乎於是乃棄文就武旋遊泮水仍日與堂弟廷佐同肄業於胞叔志溥之門兄弟競爽英名並噪而公則勇力尤絕一日午飯後里中數輩約詣武塾遊眺至塾門其內寂若無人轉似有風聲鼓動者徐而聆之其音之猝然而來也若謾謾

沁州復續志

卷四

藝文

七

之鼓松濤其音之悠然而往也若輕輕之飄落葉傾聽既久咸疑天清氣靜風自何來比入視之非風聲乃刀聲也刀重百廿筋復以鐵索二縛鐵條於兩頭幾二三百筋始知公舉百鈞不啻一羽觀其舞者莫不肅肅聳立悚然想褒鄂颯爽酣戰時焉嘉慶庚午偕廷佐赴省鄉試省同道中有觀其舞者驚爲創見遂爭相傳播呼爲刀頭比入場馬步弓石皆入彀及舞刀風隨刀響舉重若輕伸縮進退氣象非凡諸大憲注目移時驚立稱異 撫憲問平時善飯乎曰善又問能飲乎曰能當賜

酒肉可飽數人公立啖無餘肅拜而退欣欣然自謂定魁虎榜矣孰意弟鶚薦公黜額細詢其故乃因 藩憲疊次稱善 撫憲反疑而不取此數奇之一驗也然猶未爲奇也次科素公適攝撫篆主武鄉試挨次至沁不見公詢之知丁母艱素公爲之浩歎此數奇之又一驗也然猶未爲奇也後值五臺

召試取人不拘資格凡文武才技過人者俱蒙異賞不次擢用此正公雄才立顯異日封侯之兆也已與拔貢王松坪約定偕行而父老復病不果行噫此真可謂數之

沁州復續志

卷四

藝文

哭

奇而又奇者矣顧公運數雖奇而名譽久播潞安參府李公某科武狀元也閱兵至沁特邀公一角武力公執刀先舞李稱善公轉請教李竟辭而不舞蓋自愧弗如也因痛飲結歡而罷其才之服人蓋如此嗟乎抱異才而卒不遇人每以數奇慨之然吾沁百餘年間遠近老幼皆知有西林刀頭以視世之生前赫赫沒世無稱者其相去不甚遠哉數雖奇庸何害

詩

奉和

御製駕幸翰林院

翰林院編修
陞監察御史
張孝挂
見文苑

賜宴分韻聯句後復得七言律詩四首並

示諸臣元韻

未天重建值陽春

恩寵儒林席上珍

睿哲欣逢

堯舜主對揚深愧禹皋臣銀花懸榜規模壯

沁州復續志

卷四

藝文

四九

華蓋呈輝氣象新共醉

鳳池歌在藻稱觥獻壽幾經巡

其二

朝暎初旭集駕鸞玉珮班聯雜豸冠豹尾參差環

帝立

龍顏咫尺侍臣看天官捧出牙籤軸中使擎來玉茗團

天祿

石渠成學海光搖奎壁耀文爛

其三

泰階平處識珠聯
曲宴重歌湛露篇
不薄淵雲作賦客
還資房杜濟時賢

天章雲爛驚飛藻

玉案爐香裊篆煙
千古儒林誇異數

瀛洲新聚大羅仙

其四

快觀

天顏喜氣融冠裳
濟濟慶和衷

持盈每覺心彌下

沁州復續志

卷四

藝文

辛

保泰從知道益崇
俊乂匡時

朝野重文章報

國古今同

搗謙仰識

乾修意千聖相傳
共一中

贈別

郡伯程太尊榮擢
二千石

大學士吳

璵

補遺

按轡行郊後鳴琴
坐理餘市中無攫
虎座上有懸魚獄
靜苔痕滿庭閒樹
影疎南風薰不盡
鎮日繞熊車
談笑籌盤錯風流
迥不羣龜山晴有
日漳水淨無氛姓

字傳京洛歌謠落野翁漢家尊太守行矣動星文

己未暮春無雨上伏牛山祈禱旬日三獲甘霖復

登敬謝

神貺見壁間有前任穆君曉屏謝雨五律因作俚句二

首謹步原韻

知州李廷樟見名宦

十日甘霖應

神靈感莫名萬峯環殿宇千壑響泉聲巖樹連雲秀山
花傍石生重來風景好祈歲再通誠

此上古稱瘠耕山苦著名一旬霑夏雨萬戶轉春聲

沁州復續志

卷四

藝文

十一

杲方憂旱蒼蒼本好生天人原不隔呼願在真誠

春宴贈王西園

知州李採丹

輞川雪裏設春筵拇戰三奔樂讓先敢把龍門誇世胄
從知烏巷起新賢一廬雨露滋花草四境謳歌聽管絃
待得芝蘭生滿砌傳家珍重是青毡

登奎星樓

署知州姚布慶

政餘閒步仰奎光傑閣登臨四面望耆樹千章迷古堞
平沙一線走清漳斯文闕寂望壇坫坐計艱難是稻梁
在昔銅鞮稱瘠土膏蕪保赤費評量

歲考入沁州作

學使 李質齋

眼前桃李向春榮來聽絃歌滿一城相士原應先器識
讀書豈盡爲科名性真活潑天機動心地安和眼界平
冷淡青衿多自愛鄉閭表式仗儒生

教澤河汾衍至今銅鞮舊迹杳難尋遊山曾躡黔中屐
覓句重拈蜀道吟天馬逸才多上選陽春高調有知音
門牆弟子皆通利辛苦毋忘使者心

遊永慶寺瞻尺木禪師像二律

楊尙鼎

匹馬西郊去禪關畫不扁遠山圍塔峻暮雨雜龍腥捫

沁州復續志

卷四

藝文

五

虱僧無事驅邪佛有靈我來方丈裏枯坐學繙經
笑指癯禪像心如明鏡臺消閒看偈去隨喜帶詩來衣
鉢千年古雲山四面開何時留玉帶慚愧大蘇才

登伏甌山

武進

伏甌名山路百盤碧雲扶我上層巒星幢直出三霄迥
石室頻添六月寒天外遠峰連太華巖前奇樹長琅玕
飄然大有凌虛想踏遍蒼苔立馬看

上南城樓

生 魏 衡

冀北通南戶樓高入署寒雲霞依草木道路射闌干山

壓太行小河分上黨寬幾回曾到此瞻眺憶張翰

送向紫牛公之任洪洞

進士 吳正 見前

碩德高文孰與京古稀鬢鑠愈蜚聲閒吟白雪思常健
靜檢黃庭興自清久羨松筠怡蔣詡行看車服重桓榮
而今發軔分皋席莫以瓊寒淡宦情

其二

聖朝

天子重儒臣秩比郎官泮壁春白首一經登仕晚絳紗
七袞拜

沁州復續志

卷四

藝文

五

恩新道高定裕蘇湖法文妙應知屈宋隣化雨從茲歌
普潤欣看報最煥絲綸

得官時作

歲貢山 陰訓導 程麟徵

蕭蕭華髮歷年新仕籍初登一老人筆墨無權衡造化
功名有路近師賓官期盡職何辭遠志在傳經不厭貧
漫道山陰寒徹骨而今桃李正逢春

送向紫牛公之任洪洞

進士甯 化知縣 張孝揚

校士由來器識先純儒喜誦澡身篇塵埃不染蓮為質
霜雪能持菊共妍席上奇珍知有待林間老幹信彌堅

聖朝早卜絲綸手榮命賦庠作上筵

其二

幸與先生稱洽比敢云惟德自成隣書因疑案翻眞面
詩到新裁識舊津辨志離經宗宿學樂羣敬業喜仁人
從今洞裏三千士濟濟堂前祝鳳麇

其三

久接黌宮近聖居而今泮壁作匡廬不嫌署冷朝觀易
爲覺瓊寒夜校書走筆鴻文羞入俗胸懷壯志欲凌虛
蘇湖條約推安定大學規模次第除

沁州復續志

卷四

藝文

五

其四

君家世德列冠裳壽考作人際會良道衍羲皇揮馬帳
文追屈宋重鱣堂受川桃李和風徧普潤官牆化日長
攜酒南樓申一餞行看

紫誥錫

恩光

送州佐馮武著榮遷

舉人張孝揆見前志

南國鴻才宦沁陽一官卅載澤汪洋老年詩律工逾細
冷署文章骨更蒼草綠階前生意滿雉馴郊外化移長

應知別後情無限落月溶溶照屋梁

野步用楊起元銅鞮秋色韻

按頁太谷教諭

魏廷儀

見選

一路灣灣以畫收山陂水曲盡成秋深黃老樹分青露
淡白平沙襯綠流衰草暹因朝露溼餘花豈向晚風愁
歸來荆棘穿衣袂為愛清光覓勝遊

謁華亭俞太尊祠

路入汾州霧雨迷華亭貴胄憫銅鞮八年案定誰能轉
萬載勲殊孰與齊赤子城池還舊隸青天碑額擬新題
四齋上訴多勞苦配享春秋郡署西

沁州復續志

卷四

藝文

五

拜藻亭張夫子墓

何處尋師師不忘虬松環拱卧殘陽森森道範流風遠
懇懇教言化雨長後得科名高鴈序獨無簪笏耀
龍章佳城拜跪猶函丈函丈追隨淚幾行

太谷旋里

筋力嘗疲想故山徵書既老出雙關兩年職守羞言利
數月官聯許散班祀典未遑重整肅文章同事有增刪
歸途今夜明星裏凍徹盤陀水一灣

六君歌

翰林院檢討

葛培初

見選

相門才子吳儋州科名宦績人歌謳讀書娛老營菟裘
悲歌慷慨牛金山不與流俗相追攀菊花滿徑門常關
廣文先生魏肅齋之官一載歸去來文章詩律何兼該
桓桓武人王夢麟却與詩酒常相親日費萬錢多衆賓
田園賣盡欲速貧少年瀟灑李樹本靜夜聽詩坐獨穩
憐才如命戈太僕胸羅二十有八宿見不仁如鷹鷂逐
但逢佳士偏刮目花鳥莫向劉蕡哭

過李都尉廟

道出將軍廟憑欄動我情
拳旗紅日淡振背朔風驚
血

沁州復續志

卷四

藝文

五

染平沙路魂消大漠城
蒼涼堪處處落葉滿秋聲

鄰人王孝廉母七十索詩爲贈

烏衣望族舊風流王母筵開慶白頭
眼耳不衰誇老健鉛華洗盡絕春愁
一杯酒進瑤池會七秩人添海屋籌
爭說君家花事好滿庭芳草種忘憂

人間何處覓蓬瀛安節元來自可貞
爲問合歡能幾日須知獨活却長生
蟠桃壽獻千年實寶婺星輝萬里明
更喜階前春正暖一枝丹桂又敷榮

依韻奉和學憲陳歲考大沁州作

桃李紛紛盡向榮老夫抱病卧山城忽聞宗匠裁佳製
頗遣文壇噪大名擲地金聲誰賞識量才玉尺自公平
不嫌龍賸人扶拜願坐春風慰此生

覆雨翻雲變古今門前誰復肯來尋回頭舊灑酬恩淚
入耳新聞勸學吟公瑾再逢須度曲子期不至少知音
老翁七十求何事願識荊州獲我心

陳宗尺牘亦何榮脫稿傳看已滿城自是樂天餘結習
休猜毛遂更求名聳肩覓句龍鍾甚信口刪詩熨貼平
聞有瑤琴來贈我摩挲老眼度餘生

沁州復續志

卷四

藝文

五

壯時歌詠到而今聞有騷人屢款尋玉局聯篇常疊韻
少陵獨立每長吟百年兩度真奇遇一日三秋望好音
繞李叢中扶杖過烏紗白髮兩同心

銅鞮懷古

城郭煙橫老樹叢憑高悵望思無窮秦人壘畔埋荒草
漢帝臺前冷曉風一世忠貞欽叔向千年俎豆想文中
而令我欲瞻丰采白玉河邊落照紅

賀仙舟戈學憲壽

昨日曾登夫子堂別餘魂夢繞門牆已將詩卷留天地

更把冰糝比雪霜三載飽看楓葉句九秋常伴菊花香
書生未許頻來往遺敬南山酒一觴

文廟重舉佾舞恭紀一首

有叙

玉省山

見文苑

沁郡學宮禮樂素稱明備近年來官懸殘缺佾
舞廢弛無復曩之清歌雅奏矣道光辛卯壽陽
遠映堂來司沁鐸慨然振興之檢舊存樂器修
殘補缺選民間俊秀子弟充樂舞生使肄業於
齋宮壬辰二月丁巳恪修祀事俎豆既陳簫管
備舉羽籥鐘鏞聿新圓橋之耳目雖未敢擬金

沁州復續志

卷四

藝文

奏

聲玉振之盛而升歌間歌肅肅雝雝可想見
聖德之形容矣

省山

需次家居乃得躬逢其盛

非厚幸與謹撰五言古詩一首恭紀盛事既幸
雅樂之可復亦以冀後來者之無廢此舉云爾

巍巍素王宮雍雍禮樂堂鬱鬱松柏陰森燦燦光雞
鳴起盥漱踖踖趨宮牆多士駿奔走濟濟肅冠裳堂上
鐘虞懸壁中絲竹藏樂職備中和歌舞森成行鏗鏘家
音作雅奏諧宮商是時天陰晦素雪紛飄揚觀者屹如
堵屏息依長廊起衰賴通儒卓爲諸生倡修殘補其缺

器數咸周詳敢云雅頌音鄉魯同頡頏春秋備乃奏庶
可薦馨香餼生亦何幸瞻仰俎豆傍恍如至帝所鈞天
廣樂張又如聞籥韶肉味三月忘大哉聖人道天地同
久長聞樂知其德藹然想溫良竝立兩楹下欲去仍徬
徨

銅鞮八景

花峰疊翠

竒峰忽飛來巍然聳天際一朶青芙蓉縹緲浮雲鬢攀
蘿凌絕頂空翠濕衣袂貪看山色好行人緩征轡

沁州復續志

卷四 藝文

五

漳源瀉玉

石罅湧靈泉清漳紀別派奔流初出山晝夜聲滂湃雷
雨起靈湫良田資灌溉坐視清人心颯颯聞天籟

牛山積雪

西山高插天積雪埋羣峭射眼浩浩茫乾坤成玉照林
巒同一色撐空湧仙嶠拄杖小橋邊忍寒縱清眺

龜灘落雁

翩翩南征雁翔集漳河干飲啄各有偶一一刷羽翰警
夜憑雁奴安穩宿沙灘行人偶驚起飛過蓼花灣

亂柳啼鶯

出郭五六里遙望綠雲平萬柳繞長堤處處聞啼鶯隔
溪聲相和綿蠻如有情何當攜斗酒來此林下聽

柳泉荷風

亭亭水中蓮濯濯池邊柳好風撲面來香氣襲衣肘絕境
快追涼團扇可釋手雅製碧筒杯何人曾載酒

石室松濤

蒼苔環石室昔賢有遺趾天風颯然來謾謾濤聲起披
襟乘晚涼滿徑落松子夕陽人下山清音猶在耳

沁州復續志

卷四

藝文

卒

萬安秋水

兩崖束一谿峭削如斧鑿波濤洶湧來衆水急爭壑奔
流湧飛湍俯視心錯愕天高爽氣澄秋風動寥廓

題惠怡園刺史磨鏡小照

至人心如鏡屢照總不疲空洞含萬象了了分妍媸惟
其無一物是以物不遺卓哉怡園公清白矢操持精明
歸渾厚恭儉兼仁慈虛心平庶獄情僞悉周知門庭絕
請謁誰能干以私虛堂懸寶鑑朗朗映鬢眉如月常皎
潔如水常清漪本來無塵翳豈必須磨治惟公勤砥礪

志與古人期已新益求新遠法銘盤詞披圖用自警惕
厲無已時

秋穫歌

樹頭累累梨棗熟農家秋穫登新穀千村萬落慶豐穰
擣珠炊玉香滿屋大巫作歌小巫舞迎神報賽喧簫鼓
綠酒黃雞進雜遝此時誰道田家苦去年苦旱遭凶荒
士女凍餒走且僵夜半敲門聲剝啄官吏索租如餓狼
今年頗幸西成好征符未下輸先早不聞暮夜追呼聲
但見農民樂醉飽我願斯民崇儉勤家家儲蓄盈倉囷

沁州復續志

卷四

藝文

李

莫令水旱憂災厄萬年常作義皇民

剝榆皮

朝剝榆皮暮剝榆皮手持斧柯身困腹饑道旁纍纍不
忍覩老幼相攜面如土家貧歲荒不得食聊借榆皮充
肺腑吁嗟乎山中榆樹能有幾剝盡榆皮榆樹死荒村
破屋半逃亡何處叫關天萬里

採豆葉

豆莢離離豆葉黃秋風蕭蕭秋氣涼山中貧民恒苦饑
爭採豆葉充餓饉女伴相邀到田里紛紛擷取勤四體

雄懸舊榜小鼎煮新茶不覺譚空久歸來日已斜

過小河村觀音堂

羣峯曲曲抱孤村細草垂楊綠到門一徑繞山依木石
數家闌木散雞豚香林小憩瞻蓮座野叟相逢話樹根
絕境翛然塵世外男耕女織古風存

花山

憑空削出碧芙蓉疑是蓬萊第一峯怪石懸崖蹲虎豹
奇松拔地走蛟龍雲中雙轡清飈拂天外孤巒翠色濃
行到禪宮青未了更從高處訪仙蹤

沁州復續志

卷四

藝文

三

振衣曳杖步層巒絕頂登臨眼界寬城郭茫茫煙外指
山河歷歷檻中看苔侵石碣千年古巖吼松風五月寒
俯仰忽驚塵世隔卻疑身在碧雲端

過故人山莊

僻居傍深巖曲徑往而復白雲不出岫閒繞讀書屋客
來山犬吠聲聲響空谷主人啟竹扉把臂情誼篤煮茗
汲溪流佐餐烹野蕨歡言酌松醪長歌振林木春風鶻
鳩鳴百草萋以綠桃李寂無言嫣然媚幽獨對此愜我
懷停盃騁遐矚買山願結隣何年遂幽築

別母

曉起別庭幃風日黯無色恐傷老母心銜淚不敢拭
遊豈得已辛苦謀衣食傷哉貧家子難盡晨昏職出門
登前途馬鳴風悽惻迴望倚閭人涕下沾衣濕

得家信并季繡書

侵曉眠未起家書到客舍披衣急開封一目數行下讀
竟復重看迴環不能罷老母頗健飯優遊過清夏著意
說平安餘事及秋稼知我懷離憂寄聲相慰藉豈惟抵
萬金一紙真無價吾弟多門徒講學無閒暇他鄉各異

沁州復續志

卷四

藝文

七

縣相思難命駕殷勤附書來展閱如共話備言病已痊
藥物久不借欣然慰我懷喜極淚轉瀉從此豁羈愁長
歌花月夜

遊檀山遇雨

檀山山色好高低羅九峯峰峯相接連突兀摩長空陰
雲遍山起習習生谷風一雨沛然來十里煙濛濛我行
緣仄徑四顧層巒濃俯身穿林莽隨手披蒙茸幽巖藏
古剎隱隱聞疎鐘循聲下溪澗飛瀑聲淙淙到門山犬
吠老柏搖青籠回看來時路蒼茫樹幾重

贈翰林編修杜

候
訓導 吳 邴

威鳳棲高梧和鳴聲鏘鏘

天衢振雙翼五色綯文章先生起山右桑梓增輝光木
天早翔步卓品重玉堂橫空排健筆雄視翰墨塲憶昔
已酉冬驅車過晉陽匆匆一識荆別後幾星霜奚啻雲
泥隔夢寐時不忘愧我鴛下質宛轉啞蛙蛻悠悠三十
載老大徒悲傷冷宦榻無氈苦吟如寒蠶復作京華遊
豈爲謀稻梁登龍心已久所期夙願償欣然一把晤此
樂何可當君家賢昆季聯翩

沁州復續志

卷四

藝文

三

紫禁旁往來清巖地垂紳立

廟廊經濟原素裕治平資勛勤予似豐城劍沉埋胡茫
芒青萍倘拂拭一旦生光芒差擬鸞下桐律呂蘊中藏
會逢知音者什襲珍錦囊自古豪傑士遇合出尋常相
勗在道義相信以肝腸竭來弄柔翰不覺發佯狂微風
入我室粉月照我牀夜闌人不寐披衣起徬徨平生四
方志長歌慨以慷歌以報君意我懷那可量

輓松坪王明府

秣陵孤守本無城籌餉那堪又鍊兵搏戰經旬心早瘁

浩歌萬古氣如生憂時每下詩四淚異世應垂鐵漢名
愁絕毅魂招不得河斜斗轉月三更

胡貞女吟 貞女胡氏沁邑人 歲貢 楊 杲

綿巖清高沁川潔其間閨秀操冰雪騷人韻士競歌吟
我亦從之掄奇節貞女胡氏字宋門佳期屈指屈成婚
天公遣散鸞凰匹貞女聞之已斷魂未亾兩字銘心窟
粉洗鉛紅黛掃綠此身定致宋生前改醮從人終不欲
父母翁姑悲且喜不料吾兒貞若此于歸宋室守空幃
此身雖存心已死吁嗟乎黃鶯之歌能守義曾與良人

沁州復續志 卷四 藝文 奕

借伉儷紫玉之操死不移猶言激烈近情癡豈如貞女
守貞性貞心貞節由天定他年編入烈女篇千秋軼事
傳胡宋

遊九泉山 增生 楊冲漢

一入清幽境剛逢四月天捫蘿尋曲徑破石瀉流泉簷
鐸驚龍起山松待鶴眠來遊臨絕頂無復俗情牽

息九泉禪房

偶入禪林憩高僧款接忙異茶煎活火清磬澈巖廊泉
石傳幽籟山花送晚香歸途回首望樓殿倚斜陽

漳西晚歸

衛子俊

見孝義

北風吹勁草落日凍雲孤野岸一廻顧山村似有無烟
寒桑柘墮霜浸荻蘆枯獨有松柏秀牛山如畫圖
策蹇渡寒水寒汀漾落暉沙岸行旅寂人家烟火微
峯一雁過漳樹亂鳥飛家在牛山下黃昏踏月歸

廢園真

余村西南隅有小園一區舊臨古道係族兄靜
山先生別業蒼藤挂壁古柏垂簷四時花木之
盛甲於漳右近年來家道凌夷死亡相繼園中

沁州復續志

卷四

藝文

七

花卉摧折一空余適至其處觸目傷心不勝今
昔之感爲作廢園嘆

小園花木繁蓬戶臨長路路旁識者多嘖嘖咸稱慕古
柏蔭茅簷雅稱先生住邇來恣斧斤曲突仰園樹嘉菓
摧爲薪松柏換粟布零落斷垣中煮鶴焚琴處嗟嗟兩
歲餘繁英變烟霧胡爲使之然未忍言其故

自嘆

余年二十七家運貧乏無力讀書
父命改學稼穡感而賦此得復讀

人生天地間少壯須努力莫負好年華老大無一得我
今世餘歲感之長嘆息功名事已矣稼穡猶不識父母

不能顯妻子爲之惻路鬼亦挪揄朋輩猶嘲啞是皆秦
之罪勿謂境所逼碌碌老風塵忙忙謀衣食清夜每自思
淚下沾胸臆安得乘長風凌霄奮羽翼

遊澄清池

在元王村西南

萬古靈山滾碧湫蒼茫老樹半遮樓泉生石罅奩新啟
花結松稍翠欲流

院有大松係數千年物上結松花一朵瑞氣遠照

桑梓自饒

名勝境屐筇時作太平遊登高更有峯巒合一片清溪繞伏牛

登萬鄉臺

在伏牛山頂上有雲洞時時出雲

沁州復續志

卷四

藝文

六

誰云太華獨齊天此處分明帝座連萬朵白雲騰足下
一丸紅日滾胸前俯觀形勢銅鞮小平眺周圍玉宇圓
落雁峯頭攜謝句千秋幾箇似青蓮

筆峯山

筆勢參天迥不殊銅鞮城外一峯孤凌空蘸得烟霞飽
繪出雲霄萬變圖

卓立天空聳顧瞻濃雲潑墨上峯尖晚來孤鷺高飛處
彷彿塗鴉一字添

天生筆勢不尋常鋒銳何殊穎脫囊書就雲羅真鳥跡

縱橫雁字兩三行

倩得天公一紙鋪烟雲落處墨模糊斜陽倒影清漳上
想像淋漓大筆濡

極天高聳影橫斜石徑寒林襯晚霞一朶祥雲蒸五色
冬山睡夢也生花

天鍾竒秀插蒼穹應兆文人筆力雄咄咄並無堪怪事
山靈何恨亦書空

秋登沁城南樓

瞥眼登樓氣象更光陰似箭不勝驚無邊秋色來天地

沁州復續志

卷四

藝文

六

萬里風高雁影橫

翡翠樓頭夕照低沁陽城樹亂鴉啼回頭無限鄉心動

遙指家山西又西

絕頂憑臨眼界空太行千里望無窮一時慨古悲今處
都付蒼烟落照中

關山迢遞恨茫茫百尺樓頭望遠鄉長笛一聲邊塞晚
水天如鏡月如霜

